



30. august 2007

Inatsisartut Forretningsorden-ianni § 36 imm. 1 tunngavigalugulu Naalakkersuisunut apeqquteqaatinik makkunanga saqqummiussaqaarniarpunga:

Sulisut peqatigiiffiinit ilaasortaanermut akiliutip akileraarutitigut ilanngaatineqartarnera pillugit Naalakkersuisunut apeqquteqaat

(Inatsisartunut ilaasortaq Palle Christiansen, Demokraatit)

Ullumikkut akileraartartut sulisutut peqatigiiffinnut ilaasortaanerminnut akiliutaat akileraarutitigut ilanngaatineqarsinnaapput, taamatuttaaq sulisitsisut peqatigiiffiinit aammalu sulisutut soqutigisaqaqatigiiffinnut ilaasortaanermut akiliutit. SDI-p nalunaarutaani nr. 309-mi 15. december 1993-imeersumi takuneqarsinnaavoq soqutigisaqaqatigiiffiit aningaasatigut soqutigisanik ingerlatsiviusut, tamatumunngalu atatillugu ataatsimoorussamik aningaasarsiatigut sulinikkullu soqutigisat pillugit isumaqatiginninniarnermik ingerlatsisut akiliutigisartagaat, soorlu inuutissarsiornikkut ataatsimoortumik soqutigisallit, kiisalu akileraartarnikkut suliffimmi najugaanut akileraartartut kisimik akileraarutitigut ilanngaateqarsinnaasut.

Tamakkua tunuliaqutaralugit Naalakkersuisut apeqquteqaatinik makkunanga apeqquteqaateqarfigerusuppakka:

1. Kalaallit-nunaanni ukiuni aningaasarsiffiusuni 2006 aamma 2007-imi ilaasortaanermut akiliutit katillugit qassit ilaanngaatineqarsinnaasutut akuerineqarsimappat?
2. Suliffimmut atatillugu sulisutut peqatigiiffimmut ilaasortaanermut akiliutit akileraarutitigut ilanngaatineqarsinnaanerinit tunngavviit nalinginnaasumik isertitatigut akileraarusersuinermit inatsimmi § 24, imm. 1 aallaavigineqartarpoq, tassanilu ingerlatsinermut aningaasartuutit, tassa isertitaqarnissamut qulakkerinninnissaaq, isumannaarinissaaq ingerlaavartitsinissarlu anguniarlugit aningaasartuutigisimasat isertitatigut akileraarusigassanit ilanngaatineqarsinnaapput. Akileraarutitigut ilanngaatineqarsinnaasut atorunnaarsineqarnerisigut sulisutut peqatigiiffinnut ilaasortaanermut akiliutinuinnaq tunngatinneqasappata aalajangersakkat qanoq nassuiaaserneqarnerisigut allannguinnikkut pisinnaanerluni, imaluunniit taamaliortoqassappat aatsaat inatsisitigut allannguinnikkut tamanna pisinnaanerluni?
3. Aalajangersakkat qanoq paasineqassanersut pillugit nassuiaaserneqarnerisat imaluunniit inatsisitigut allannguinnikkut pisoqassappat tamanna qaqugu Landskkassemut sunniuteqarsinnaava?

Apeqquteqaatit ullut suliffiusut qulit qaangiutsinnagit akissuteqarfiginissaat kissaatigineqarpoq.